

# UTUMIKI BWATHU BWA UMAMBO

## NOVEMBRO 2013

### MDZINGA WAKUYAMBIRA PA 11 NOVEMBRO

Nyimbo 119 na Mpembo

#### ❑ Pfunziro la Bibiliya la Gwere:

jil Mapfunziro 5-7 (mph. 30)

#### ❑ Xikola ya Utumiki bwa Mulungu:

**Kulewengedwa kwa Bibiliya:** Wahebereu 1-8 (mph. 10)

**N.º 1:** Wahebereu 4:1-16 (mph. 4 ayai zaku-cepa)

**N.º 2:** Kodi Tingalatize Tani Kuti Tina 'Nzere ru Yakucokera Kudzulu'?—Tiyago 3:17, 18 (mph. 5)

**N.º 3:** Kodi Umambo bwa Mulungu Bun'dayamba Lini Basa Lace Pansi Pano?—bh-CN msolo 8 ndime 22, 23 (mph. 5)

#### ❑ Mtsonkhano wa Basa:

Nyimbo 73

**Mph. 10:** Momwe Tingathandize Kusamalira Bzakusaya bza Anzathu. Nkhani yakufokotozedwa na mkulu, yakucokera mu Nsanja ya Olonda ya 15 Novembro 2013, matsamba 8-9.

**Mph. 10:** Kodi Tingakunde Tani Mantha Pomwe Tinkupalizira? Nkhani yakucezerana, kokera m'mibvunzoyi: (1) Kodi mpembo unga-tithandize tani penu tinkucita mantha pa mui pa munthu? (2) Thangwe ranyi kukonzeraka bwino kungathandize kucepesa mantha yathu? (3) Kodi n'ciani cingatithandize kucepesa mantha yathu pomwe tinkuphata basa na nyakunyang'anira wadera? (4) Thangwe ranyi kuyenda kawiri-kawiri mu utumiki kumbamalisa mantha yathu? (5) Kodi n'ciani cimbakuthandizi kukunda mantha mu utumiki?

**Mph. 10:** "Tewezerani Ciratizo ca Wapolofeta —Ozeya." Mibvunzo na Mitawiro.

Nyimbo 113 na Mpembo

### Tewezerani Ciratizo ca Wapolofeta—Ozeya

<sup>1</sup> 'Kodi n'ciani ndingafune kicitira Yahova?' Pinango imwepo mudabzibunza kale mbvunzoyu pa kukumbukira kukoma mtima na nsisi zikulu za Yahova. (Psalmyo 103:2-4; 116:12) Ozeya adafuni-

1. Kodi nguponi mbvunzo omwe imwepo muda-bzibunza kale?

sisa kucita bzomwe Yahova akhamuuza, napo bzi-khafunika kucita bzinthu bzakunesa. Kodi tingamu-tewezere tani Ozeya?

**2 Kupalizira mu Nthawe Zakunesa:** Nkhani ya Ozeya ikhayenda maka-maka kwa umambo bwa madzinza khumi ya Jirayeri, komwe kunamata kwadidi kukhadasala pang'ono kumala. Mambo Jerobuwamu II adacita bzakupipa pa maso pa Yahova, ndipo adaptiriza na kunamata ka mphulu, komwe kukhadayambisidwa na Jerobuwamu I. (2 Wamambo [Mafumu] 14:23, 24) Wamambo womwe wadadzapita patsogolo pace, wadapitiriza kudzonga mwauzimu umambo bwa madzinza khumiyo, mpaka kupfudzi-dwa mu gole la 740 A.E.C. Tsone, napo akhali pakati pa kunamata kwapezi, Ozeya mwakukhulupirika adatumikira ninga mpolofeta magole 59. Kodi ndife-mbo wakufunisia mwa njira ibodzi-bodziyo kupali-zira magole na magole, napo penu wantru wankutibvera lini ayai wankutitsutsa?—2 Timotio 4:2.

**3 Kupitiriza Kukumbukira Nsisi za Yahova:** Yahova adaua Ozeya kuti alowole 'mkazi omwe ad-dazicita upombo.' (Ozeya 1:2) Napo mkazace Gomeri adamuberekera mwana wacimuna, patsogolo pace iye adaberekambo wana awiri wa pa thengo. Ozeya adafunisia kumukhululukira mkazacey. Bzimwe-bzi bzidawonesa nsisi zikulu zomwe Yahova wakhacitira Wajirayeri wakuipa wale, pomwe iwo wakhakungula. (Ozeya 3:1; Waroma 9:22-26) Kodi ndife wakufunisisadi kuikha bzakufuna bzathu pa mbali kuti tidziwise nsisi za Yahova kwa wantru wa mtundu uli-wense?—1 Wakolinto 9:19-23.

4 Atumiki winango wa Yahova wadasiya mabasa ya kobiri zizinji kuti waphatise basa nthawe izinji mu utumiki. Winango wadakhala wakusaya kulowola ayai kulowodwa, ayai kubereka wana kuti waikhe patsogolo bzakufuna bza Umambo. Pakukumbukira moyo wa Ozeya, tingalewe kuti 'Inepano ndingadacita lini bzomwe iye adacita.' Tsone, tikatenda kwe-ne-kwene nkhombo ya Yahova, ticikhulupira mphanvu yomwe tingapasidwe na mzymu wace wakucena, tingaphatisidwe basa na Yahova mu njira zomwe ti-khazikumbukira lini, ninga momwe bzidacitikira Ozeya.—Mateu 19:26; Wafiripo 2:13.

2. Kodi tingamutewezere tani Ozeya pa nkhani yakupirira pa basa kupalizira?
3. Kodi moyo wa Ozeya udawonesa tani nsisi zomwe Yahova akhacitira Wajirayeri?
4. Kodi n'bzinhu bziponi bzomwe tingacite kuti titumikire Yahova?

## MDZINGA WAKUYAMBIRA PA 18 NOVEMBRO

Nyimbo 20 na Mpembo

### ❑ Pfunziro la Bibliya la Gwere:

jil Mapfunziro 8-10 (mph. 30)

### ❑ Xikola ya Utumiki bwa Mulungu:

**Kulewengedwa kwa Bibliya:** Wahebereu 9-13 (mph. 10)

**N.º 1:** Wahebereu 10:19-39 (mph. 4 ayai zaku-cepa)

**N.º 2:** Thangwe Ranyi Bzinkucitika Bzinhu Bzinjji Bzakuipa Pansi Pano?—bh-CN msolo 9 ndime 1-5 (mph. 5)

**N.º 3:** Njira Zomwe Tingatsangalazire Wina-nego—Waroma 15:4; 2 Wakolinto 1:3, 4 (mph. 5)

### ❑ Mtsonkhano wa Basa:

Nyimbo 10

**Mph. 5: Kwadru ya Mibvunzo.** Nkhani yakuce-zerana. Patsogolo pace, lidziwiseni gwere bza mo-mwe inkufambira kampanya yakugawira katrata-do Bzipsa bza Umambo N.º 38.

**Mph. 5:** “*Ndiri pano Thangwe . . .*” Nkhani ya-kucezerana. Patsogolo pace, yaleweni mabukhu yakudzagawira mu Dezembro, mucicita ciratizo ci-bodzi ayai bziratizo bziwiri, mwakuphatisa basa nzeru zakucokera mu nkhanizo.

**Mph. 20:** “*Phatisisani Bzomwe Bibliya Lim-balewa pa Misinda ya Nkhawa—Mbali 3.*”

Nkhani yakufokotzedwa na mkulu. Mbali ya mi-bvunzo na mitawiro, yakucokera pa matsamba 3-6 ya mu *Utumiki Bwathu bwa Umambo* buno. Mi-bvunzo in’dzabwera pa tsamba la pambali.

Nyimbo 68 na Mpembo

## KWADRU YA MIBVUNZO

### ■ Kodi mpalizi wacikazi an’funika kumpsinkha mu msolo pomwe ankucitisa pfunziro la Bibliya pabodzi na mpalizi wacimuna?

Mpalizi wacikazi an’funika kumpsinkha mu msolo pomwe ankucitisa pfunziro la Bibliya lakukhazikika pabodzi na mpalizi wacimuna. (1 Wakolinto 11:3-10) *Nsanja ya Olonda* ya 15 Julho 2002, tsamba 27, idafokotoza kuti: ‘Kumweku n’kupfunzisa komwe kumbakha-la kwakonzedweratu, ndipo nyakucitisa pfu-nziroyo ndiye ambakhala ankutsogolera. Pa cakucitika ninga cimweci, pfunzirolo limba-khala mbali yakuthumizirika ya mapfunziro ya m’gwere. Penu mpalizi wacikazi wakuba-tizidwa an’citisa pfunzirolo pabodzi na mpalizi wacimuna wakubatizidwa, iye an’funikira kumpsinkha mu msolo mwace.’ Bzimwebzo

bzingacitidwembo penu iye ankuperekezedwa na mpalizi wacimuna wakusaya kubatizidwa. Bzin’funika kucitidwa tenepoyo, bziribe basa penu pfunzirolo linkucitikira m’nyumba, pa msuwo ayai pa mbuto inango.

Tsono penu pfunziro la Bibliya lakucitidwa pa mui likanati kukhazikisidwa, mpalizi waci-kaziyo an’funika lini kumpsinkha mu msolo akakhala ali pabodzi na mpalizi wacimuna. Bzingacitidwe tenepoyo, napo penu ulendobo bukhali bwakudzandowonesa momwe pfu-nziro la Bibliya limbacitidwa ayai kudzaceze-rana nkhanzi za m’mabukhu yakucitira nayo mapfunziro ya Bibliya. Pakuti mapfunziro ya-kucitidwa pa mui yambakhazikisidwa mwa pang’ono-pang’ono pambuyo pakucita mau-lendo mazinji yakubwerezera, tenepo, apa-lizi wacikazi wan’dzafunika kukumbuka na kuwona penu pa cakucitikaco bzin’funika kumpsinkha mu msolo.

### “Ndiri Pano Thangwe . . .”

Weneciro nyumba wakafungula msuwo, waci-twona, iwo wambafuna kudziwa kuti ndife yani ndipo thangwe ranyi tiri pamwepo. Kodi tinga-lewenyi pa mafala yakuyambirira kuti tiderekhe-se bzakukumbuka bzawo? Pambuyo pa kumu-sana nawo, apalizi winango wambaphatisa basa

fala lakuti “thangwe” kuti afokotoze bzimwebzo. Mwa ciratizo, iwo wangalewe kuti: “Tinkuzun-gira anzathu *thangwe* wazinji wankucita thupo na kuphana kwa wantru. Kodi mun’kumbuka kuti . . .” ayai, “*Ndiri pano thangwe* ndinkupfunza Bi-bliya na wantru fovolo.” Penu paciyambi caipo-po mweneciro nyumba an’dziwesidwa bza *tha-ngwe* ra imwepo kugumanika pa msuwo pacepo, iye angafune kutetekera *bzomwe* mulewebzo.

# Kuphatisia Bzomwe Bibliya Limbalewa pa Misinda ya Nkhawa—Mbalí 3

## Misinda ya Nkhawa ya Wakristau—Yakusaya Kunesa, Yakubzicepsa na Yakulemekezeka

Wale womwe wambabvesesa lini mkhalidwe caiwo wa anyakufa, wambakhulu-pira kuti mpsakufunika kucita misinda ya nkhawa ya dzawoneni, kuti wakondwese anyakufawo na kuleka kukalipisa wadzinza wa moyo. Anyakusaya kukhulupira wambawona kuti mpsakufunika kwene-kwene kuwonesa padeca mbiri na cuma ca nyakusaikayo na ca banja lace. (1 Juwau 2:16) Pembawoneka kawiri-kawiri mzimu wa mpikisano omwe si Wacikristau, womwe wazinji wambafuna kuposa misinda ya nkhawa ya wantru winango. Cinango caku-funika kwene-kwene n'cakuti, napo mabanja yakusauka, yambabzikakamiza kugumana kobiri mwa njira iri-yense kuti yacite “msinda ukulu wa nkhawa” wakuteweza bzomwe wadzinza na wantru wa m'midzimo wan’funa.

2 Mwakusiyana nawo, wantru wa Mulu-nzu wambabveseseratu padeca kuti anyakufa walibe moyo, ndipo wambadziwa lini kuti wankulemekezedwa ayai kutumbizidwa na winango. Wakristau wacadidi wambacita lini msinda wa nkhawa wakubziwonese-ra kuti wadabwise winango. Kodi ticite-wezera bzicito bzimwebzi, bzibvero bzathu bzingadasiyana na bza ku dziko? (Juwau 17:16) Kodi tingadawonesa lini kwa winango kuti ifepanombo timbawagopa anyakufa? Kudziwa kuti kugopa anyakufa n'cinthu cakutengedwa mwa mphanvu pa moyo wa wantru wa m'mudzimo, kungathandize kuhala wakusamala na kulatiza nzeru pakucita msinda wa nkhawa wakusaya kunesa na wakubzicepsa. (Mimwani [Miyambo] 11:2) Kodi bzingacitidwe tani bzimwebzi?

**<sup>3</sup> Kobiri Zakudzonga pa Msinda wa Nkhawa:** M'mbuto zinango, pomwe wakanati kuperdesa nkhawa, wambatsonkha-na wantru kuti wakonkhe kobiri zakupendeserazo. Wambanemba, wacitumiza matsamba yakukumbira wantru thandizo la kobiri. Wina wambacita makonzedwe ya kutsonkha kobiri yakuphatisiswa basa pa misinda ya nkhawa basi. Pa nkhawa cai-popo, wambaikha mbale na makaxa kuti wantru womwe wali pa nkhawapo wambathuse kobiri m'mwemo. Kodi bzimwebzi bzin'funika kuwoneda tani? Wakristau wacadidi wangadakumbira lini thandizo la kobiri mwa njira zimwezi kuti wafambisire msinda wa nkhawa.

<sup>4</sup> Banja Lacikristau lin'funika kuzindikira kuti iro lina udindo bukulu bwakusamalira bzense bzomwe bzidzongedwe pa msinda wa nkhawayo.\* Penu banjalo liribe kobiri ndipo lin'kwanisa lini kulipirira msinda wa nkhawayo, tenepo wadzinza wa pafupi wan'funika kuthandiza.\* (1 Timotio 5:3; Onani od tsamba 132, ndime 1) Bzikane-seratu, wantru winango ayai gwere lingafune kuthandiza. (1 Juwau 3:17, 18) Tsono bzin'funika kusamala kwene-kwene. Pomwe wadzinza womwe si Wakristau wan'kumbi-ridwa kuti wathandize na kobiri pa nkhawayo, iwo wangayesembo kuti wana udindo bwakulewa momwe msinda un'funikira kucitidwa. Bzimwebzo bzingabwerese bvuto likulisa pakufuna kuyeza kuti msindayo ucitidwe mwakusaya kupitisa miyambo ya-

\* Pano tinkulewa bza wantru wa m'banja, wome ni wabereki na wana wawo.

\* Pano tinkulewa bza wadzinza ninga azitiyu, aziprimu na winango

pezi. Bzimwebzi bzinkuthandauza lini kuti Mkristau an'funika kulamba thandizo la kobiri lakucokera kwa wadzinza womwe wali-be kukumbiridwa. Tsono punu iye an'kumbuka kuti kubvumako kungacitise kuti wadzinzawo wapitire pa macitidwe ya msindayo, pamwepo mwa nzeru Mkristau yo angasankhule kulamba thandizolo.—Miwani 27:12.

**5** Kudziwa kwathu mwakubveka bza mkhalidwe wa anyakufa, kun'funika kutilimbisa mtima kuti ticide msinda wa nkhawa mwakusaya kudzungedwa na bzicito bza ku dziko, bzakucitika kawiri-kawiri pakati pa wale womwe wambadziwa pan'gono bza Bibliya. (Wayefezo 4:17-19) Napo tin'funa lini kukhumudwisa winango mwa kunyanyiratu na kubzicepsa kwathuko, tin'dzalekerra lini kuti dziko litikakamize kutewezerana wantru womwe wali mu m'dima wa uzi-mu. (Waroma 12:2) Tikumbukire kuti napo Jezu akhali munthu mkululetu omwe adakhala kale pansi pano, iye adapendededwa mu njira yakupusa na yakulemekezeke. (Ju-wau 19:40-42) Kwa wale womwe wana "makumbukudwe ya Kristu," palibe cakuphonyeka kucitambo bzibodzi-bodzibzo. (1 Wakolinto 2:15, 16) Tenepo, kuti litcenkhe kukumbira bzakupereka ayai kuhala na mangawa, banja Lacikristau lingacite mwa nzeru **msinda wa nkhawa wakupusa na wakubzicepsa mwakubverana na bzomwe banjalo lingakwanise kulipira.**—Luka 14:28; Ndendemezani na 2 Wakolinto 8:12.

**6 Kufokotoza Nkhani ya Nkhawa:** Wantru wambadziwisidwa mwakanfulumize bza kusaika kwa munthu; tenepo bzingafunike lini kudziwisa m'magwere bza kusaika na makonzedwe ya msinda wa nkhawa kucokera pa pulatifomu, kupambula gwere lomwe nyakusaikayo akhatsonkhana. Ndipo bzingafunikembo lini kutumiza matsamba m'magwere manango na cakulinga cibodzi-bodzico. Cadidimbo n'cakuti, bzi-

ngakhale lini bwino kusaya kucita mtsonkhano ayai kucinja nsiku ya mitsonkhano thangwe ra msinda wa nkhawa. Mwa kui-kha patsogolo bzinthu bzauzimu, timbathandizidwa kuhala na makumbukidwe yacikati-kati ya infayo, ticipitiriza kuikha bzakufuna bza Umambo patsogolo pa moyo wathu.—Mateu 6:33, 34.

**7** Akulu wa m'gwere wakabverana, pangacitidwe makonzedwe yakufokotoza nkhani ya m'Bibliya m'Nyumba ya Uambo, ayai punu banjalo lin'funa, nkhaniyo ingafokotizedwe ku mui kwa nyamuyayo ayai ku mbuto inango. Mfokotozi wakusankhulidwa na banja lakufedwalo, nthawe zense iye an'funika kuphatisa basa tsamba la nkhani ya nkhawa, yakukonzedwa na gulu la Yahova. Nkhani ya nkhawayo in'funika kuhala yakutsangalaza na yaku-limbisa mwauzimu. Mfokotoziyo an'funika kulewa nfundu za m'tsamba la nkhaniyo, ndipo an'funika lini kulewa cinthu ciri-ce-nse cakubverana na bzibvero bzakunama. Mwa ciratizo, kulewa kuti infayo yacitidwa na ufiti ayai cakuipa ca winango, kungaverane lini na cadidi ca m'Bibliya, ndipo kungalatize kuti Yahova alibe mpharvu yakukhotcerera atumiki wace. (Mimwani 18:10) Mfokotoziyo an'funikambo kuwonesesa kuti bzomwe ankulewa pa nkhaniyo ayai mu mpembo, bzinkupereka lini makumbukidwe yakuti nyamuyayo akana moyo. (Mpilizi [Mlaliki] 9:5, 10) Akafa mtumiki wakukhulupirika wa Yahova, mfokotoziyo angalewe pang'ono bza mbiri ya munthu ya kuhala mu njira yakukhulupirika. (Wahebereu 6:12) Tsono bzingadakhala lini bwino kubvumiza kuti wantru wambaime, wacimbatumbiza nyamuyayo pa mabasa yense yakufokotoza nkhaniyo.

**8** Wasanduka msambo kwa abale kutsonkhana ku Nyumba ya Umambo pa nsiku ya nkhani ya nkhawa kuti waimbe nthawe zizinji nyimbo za umambo mpaka iyambe

nkhaniyo. Napo nyimbo za umambo zingaphatisidwe basa pakufungulira na kufunga nkhani ya nkhawayo, bzingadakhala kute-wezera bzipembebzoo bzacikristau penu mathimu ya abale yan'tsonkhana na kuimba mwa nthawe itali pomwe nkhaniyo ikana-ti kuyamba. Nkhani ya nkhawayo imba-pitirira lini mphindi 30, ndipo in'funika kuya-mba pa nthawe yace. Kuyamba nkhani ya nkhawayo na mpembo, ni nkhani yakuci-ta kusankhula. Bzin'funika lini kukhala na nyakutsogolera kuti acemerese mfokotozi-yo na kumalisa mtsonkhanoyo. Tsono, akawoneka nyakutsogolera mtsonkhanoyo, mafala yace yan'funika kukhala yakuce-pa, yacyiederatu pa nfudoyo. Bzingafunike lini kuti iye abwerezere nfundo zakulewedwa kale na mfokotoziyo ayai kutenda wantru womwe wabwera kudzawonekerewo. Pomwe mtembo unipendedeswa, pa-ngalewedwe mafala yakucepa, ndipo pangacitidwe mpembo pa mthutupo kuti ufunge msindayo, penu banjalo lin'funa. Ninga mkumbuso, omwe si Mboni, an'funika lini kutsogolera ayai kulalewa cinthu pa mbali iri-yense ya msindayo ku Nyumba ya Umma-bo ayai ku mbali kwa mthutuyo.—2 Wako-linto 6:14-18.

**<sup>9</sup> Kukhala na Mkhaldwe Wabwino:** Kodi pakuwonekerera pa msinda wa nkhawa ti-n'funika kukhala na mkhaldwe uponi? Napo mitima yathu ingadzalidwe na msu-namo, tin'funisia kutsangalazidwa kuoke-rra m'Bibliya. Tenepo, wale womwe waniye-nda kabva nkhani ya nkhawa, nthawe zense wan'funika kukumbukira kubweresa ma Bi-bliya yawo. Tikambatewerana na mfoko-tozi pomwe iye ankulewenga, acilatiza momwe tingaphatise basa mavesi ya m'Bibi-lya, timbalimbisa cikhulupiro cathu ca piciro lakutsogolo cakulewa bza kumu-ka kwa anyakufa, pomwe "infa in'dzawone-ka lini pomwe." (Cibvumbulutso 21:4) Timbakhalambo na mpata wabwino waku-

lewa mafala yakutsangalaza kwa banja la-kufedwalo pabodzi na anyakuwonekerera pa msindayo. Tikakhala na mkhaldwe wabwi-noyu, sikuti tin'dzandotsangalaza wina-ngo, koma tin'dzaderekhesambo msuna-mo wathu mwakudikhirira mwakukondwa nsiku yakutsogolo pomwe infa in'dzameze-dwa ndipo cipo icidzawoneka pomwe.—Zai-ya 25:8.

<sup>10</sup> Wazinji wambakumbuka kuti kusuna-ma kwene-kwene kumbalatiza ulemu na lu-foyi kwa mwanzathu wakusaikayo. Ndipo, pomwe iwo wankuwona mtembo, wanku-bva nkhani ya nkhawa ayai pomwe wali-pafupi na dindi, iwo wambalira mwa dzawoneni, wambabulumunda pansi ayai kula-lewa na citanda ningati nyamuyayo ana moyo. Winango wambaphata mtemboyo, wambayeza kupita m'baulu ayai kuitambo mu dindi mwa nyamuyayo kuti wafuciridwe pabodzi. Napo infa ni nthawe ya msuna-mo ukulu kwa tense, wantru wa Mulungu wambacita lini bzinthu bzakusaya nzeru kuti walatize kusunama kwavo. Thangwe ranyi? Thangwe ndife lini 'wakusaya kudzi-wa cinthu bza wale womwe wankugona mu infa.' Timbadziwiratu kuti anyakufa wali-mu mkhaldwe uponi. Tina cidikhiro caku-tsikizika ca kumuka kwa anyakufa. (Ju-wau 5:28, 29) Timbatsangalazidwa na ma-piciroya, ndipopha 'timbasunama lini ninga momwe wambacitira wantru womwe wali-be cidikhiro.'—1 Watesalonika 4:13.

## Pambuyo pa Kupendesa

<sup>11</sup> Mtembo ukandopendedeswa, msinda wa nkhawayo wamalira pamwepo. Palibe ci-nango comwe cingacitiridwe munthu omwe wafayo. Pambuyo pa kupendesa, wantru wangafune kuzungira banja lakusaikidwa-lo kuti wakaponde masamba na kuwatsa-n galaza. Pa nthawe zimwezi, timbakhala na mpata wakulatiza mwa njira yabwino momwe moyo ngwakufupika, na kuti 'nsiku

ya infi njabwino kuposa nsiku ya kubadwa kwa munthu.' (Mpalizi 7:1) Kungadakhalambo kukoma mtima wa anyakuponda masambawo kuleka kuthumizira mtolo kwa banja lakusaikidwalo mwa kulingingimira kuti lipereke cakudya, bzakumwa ayai m'mbuto yakugona. Wantru wa Mulungu wambakhulupira kuti "pana cikondweso cikulu pakupasa kuposa comwe ciripo pakutambira." (Mabasa 20:35) Tenepo, mpsabwino kukumbukira bzomwe tingapereke kwa anyakufedwaho kuti tiwatsangalaze mwauzimu na kuwathandiza mwakuthupi, m'mbuto mwa kukumbukira bzomwe tingatambire mu njira ya cakudya, bzakumwa ayai masenzeka. Mwakucita bzinthu bzizini kuti tileke kusenza mtolo banjalo, tin'dzalatiza lufoyi na kukoma mtima kwa Wakristau.—Wagalata 6:2.

**12 Setimo Dia na Bona:** Pambuyo pakupendesa, winango wa m'banjamo wambacita makonzedwe manango yomwe yambacemerewa "setimo dia." Winango wambacita bona kuti walemekeze na kukumbukira nyamuyayo. Pa bzakucitika bzimwebzi, wambakonzekera cakudya na bzakumwa, nyimbo zimbaimbidwa, ndipo pambacitidwa bzakuperekwa bzizinji. Napo imbasiyana nthawe yakucitira misinda yakumalizirayi, kawiri-kawiri iyo imbacitidwa pambuyo pa nsiku 7, nsiku 40 ayai nsiku zizinji pambuyo pakupendesa. Winango wambawona setimo dia na bonalo, kukhala mbali zakufunika kwene-kwene ya msinda wa nkhawayo, pakuti iwo wambakhulupira kuti mzimu wa munthu wakufayo, un'tsudzulidwa lini mpaka itamala kutewezedwa miyambo yenseneyi.

**13** Kuwonekera ayai kulinganiza msinda wa nkhawa pambuyo pa midzinga ayai minyezi ya kupendesedwa kwa nyamuyayo, kungawoneke kukhala mpata munango wakutsangalazira anyakufedwaho. Bzin'gawoneke ninga mpata kuti wale womwe

walibe kukwanisa kuwonekera pa msinda caiwowo, wakanise kugonekana na nyamuyayo. Wina wambalokotera misindayi kuti watende wale womwe wadathandiza kulira nkhawayo. Kodi tingalewe kuti nkhabwino kulinganiza misindayi pambuyo pakupendesa kuti titsonkhane na gwere pabodzi na wadzinza, napo penu pan'citidwa lini bzicito bzakupitana na Bibliya?

**14** Pambuyo pa kupendesa nkhawa, wadzinza wa pafupi wa banjalo, wangafune kutsonkhana pa wokha kuti wasamalire kobiri zakudzongedwa pa nkhawapo na nkhani za boma zakuwoneka thangwe ra infayo. Kuthumizira bzimwebzi, winango wangafune kuthandiza anyakufedwaho mwa kuthupi na mwauzimu, pambuyo pa kumala kwa msindayo. Tsono bzimwebzi n'bzinthu bza banjalo, bzomwe gwere lense lin'funikira lini kupitira. N'ciani cingacitike penu banjalo linilinganiza msinda kuti wadzawonekere abale, axamwali na wadzinza pambuyo pakupendesa nkhawayo? Kucita bzimwebzi kungacitise kuti wantru wakumbuke kuti Mboni za Yahova zina njira yawo-yawo yakucitira setimo dia ayai bona. Bzimwebzo bzingakhumudwise winango womwe wan'dziwa bzomwe Mboni za Yahova zimbakhulupira na kupfunzisa bza anyakufa. (1 Wakolinto 10:32) Pakuti setimo dia na bona mpsakubverana kwene-kwene na kukhulupira mizimu ya anyamuya, anyakunamatwa wacadidi wa Mulungu wan'funikira kutcenkha ciri-cense comwe cingandenderane na misinda yakutidwa pambuyo pakupendesapo. (2 Wakolinto 6:17) Tikacita bzimwebzo, tin'latiza kuti 'timbawengadi comwe n'cakuipa,' ticiifuna na kuphatisisa comwe n'cakucena na cakulungama. (Psalmyo 97:10; Waroma 12:9) Ali-wense wa ifepano aphatisise mu mtima mwace mitemo yabwino yakulewedwa padzulupa, ticiwnesesa kuti misinda ya nkhawa ya Mkristau njakupusa, yakubzicepsa na yakutalikirana na bzicito bzapezi.

## **MDZINGA WAKUYAMBIRA PA 25 NOVEMBRO**

Nyimbo 122 na Mpembo

### **❑ Pfunziro la Bibiya la Gwere:**

*jl Mapfunziro 11-13 (mph. 30)*

### **❑ Xikola ya Utumiki bwa Mulungu:**

**Kulewengedwa kwa Bibiya:** Tiyago 1-5 (mph. 10)

**N.° 1:** Tiyago 1:22–2:13 (mph. 4 ayai zakucepa)

**N.° 2:** Kodi Lufoyi Limbakunda Tani Mantha –1 Juwau 4:16-18 (mph. 5)

**N.° 3:** Mpsiponi Bzinthu Bziwiri Bzomwe Bzinakulatiza Kuti Tiri mu "Nsiku Zakumalizira"? –bh-CN msolo 9 ndime 6-11 (mph. 5)

### **❑ Mtsonkhanzo wa Basa:**

Nyimbo 95

#### **Mph. 10: Bzomwe Mungalewe Pakugawira**

**Marevista mu Dezembro.** Nkhani yakucezerana. Pambulani mphindi ibodzi kuti mulewe thangwe lomwe wantru wangadzakomedwe nayo marevistayo m'gawo lanu. Patsogolo pace, mwakuphatissa basa nkhani ya pa tsamba lakutoma la *Nsanja ya Olonda*, kumbirani kuti abveseri alewe mibvunzo yakucitisa kuti munthuyo afune kudziwa bzinjinji. Ndipo akumbirenimbo kuti walewe mavesi yomwe yangalewengedwe. Nthawe ikabvumiza, citanimbo bzibodzi-bodzi na *Galamukani!* Latizani momwe revista iri-yense ingagawiridwe.

**Mph. 10: Kodi Bzin'funika Mutawire Tani?** Nkhani yakucokera mu bukhu la *Sukulu ya Utumiki*, tsamba 69, ndime 1-5. Cicitidwe ciratizo ca mpalizi omwe ankutawira nyakupfunza wace wa Bibliya omwe an'funa kucita cakusankhula pa moyo wace. Nyakupfunzayo ankubvunza kuti: "Kodi mungadakhala ndimwepo, mungadacita ciani pa nkhaniyi?"

**Mph. 10: "Nkhani Zakutithandiza mu Utumiki."** Mibvunzo na mitawiro. Mwakuphatisa basa cipande ca nkhani yatsapano yakucokera mu nkhani zakuti "Kuceza ndi Munthu Wina," latizani mwaci-gwatho bzomwe bzinkulewedwa pa ndime 3.

Nyimbo 45 na Mpembo

## **Nkhani Zakutithandiza mu Utumiki**

<sup>1</sup> Nthawe na nthawe, *Nsanja ya Olonda* yakugawira, imbacosia nkhani yakuti "Kuceza ndi Munthu Wina." Nkhano zina bzakulinga bziwiri –kulatiza mapfunziso ya Bibliya mu njira yakuto-

1. Kodi nkhani zakuti "Kuceza ndi Munthu Wina," zina bzakulinga bziwiri bziponi?

konya mitima ya wantru, na kutilatiza momwe tingakumbukirire nkhani inango na wantru mwa ulemu. (1 Pedru 3:15) Kodi tingaziphatisse basa tani bwino nkhanozo?

<sup>2</sup> **Ziphatiseni Basa mu Utumiki:** Mungambakoye marevista manango ya *Nsanja ya Olonda* yomwe yana nkhanozo. Pomwe mweneciro nyumba, muntru wakufuna kudziwa bzinjinji ayai nyakupfunza Bibliya wakucitani mbvunzo, ayai walamusa nkhani yomwe idafokotozedwa mu m'nkhanozo, mupaseni revista ibodzi yomwe ina nkhaniyo, mucicezerana naye. Penu mulibe revista yakudindidwa yomwe ina nkhaniyo, pinango mungakaicose pa jw.org/nyu.

<sup>3</sup> Kodi mungacezerane tani nkhanozo na muntru? Winango wambakumbira kuti munthu yo alewenge mwakubveka mafala ya mweneciro nyumba, pomwe iwo wankulewenga mafala ya Mpaliyi. Iwo wadazindikira kuti kulewenga nkhani za wantru awiri womwe wankucezerana nkhaniyo, kumbatokonya kwene-kwene wantru, thangwe bzimbawapasa mpata wakupenda bzikhlupiro bwazo mu njira yakusaya kuwadodomesa.—Bzakutonga (Deuteronomio) 32:2.

<sup>4</sup> **Bzipfunziseni mwekha , Mucipfunzisambo Winango:** Pomwe munkuzilewenga nkhanozo, mbanembani pa mbali mavesi, bzitsanzo na kakumbukidwe kakuphatisisidwa basa mu nkhanozo. Bvani momwe nkhanozo zinkufokotozedwera. Patsogolo pace, citanimbo bzibodzi-bodzbizo mu utumiki. (Mimwani [Miyambo] 1:5; 9:9) Mpumakazi ibodzi idati: "Kulewenga nkhaniyi, kuli ningati kupfunza kucokera kwa mwanzako omwe ni mpainiya wa luso—omwe nthawe zense ambadziwa bzomwe an'funika kulewa!"

<sup>5</sup> Mungaphatisembo basa bziratizo bzakune-mbedwabzo kuti muthandize anyakupfunza wanu wa Bibliya kukonzekera utumiki. Lewengani pabodzi nkhanozo, nyakupfunzayo acimbalewenga mafala ya mpalizi. Mwa njira imweysi, anyakupfunza wa Bibliyawo wangapfunze kufo-kotoza bzikhulupiro bwazo mu njira ya ulemu. (Wakolose 4:6) Inde, nkhanozi ni njira ibodzi yomwe Yahova ankutithandizirambo 'kukwanirisa bwino' utumiki bwathu.—2 Timotio 4:5.

2. Kodi tingaziphatisse tani basa nkhanozo mu utumiki?
3. Kodi tingacezerane tani nkhanozo na mweneciro nyumba?
4. Kodi tingaziphatisse tani basa nkhanozo kuti tibzipunzise tekha?
5. Kodi tingathandize tani anyakupfunza wantru wa Bibliya kukonzekera utumiki?

---

# **Yahova Ambatetekera Mipembo ya Atumiki Wace**

Nkhanizi zacosedwa mu *Buku Lapachaka la Mboni za Yehova 2013*

---

## **Mianmar**

**Tsamba 91, ndime 3 mpaka tsamba 92, ndime 1**

### **Anyakupfunza Wakuyamba wa Mtundu wa Cikayin**

Mu 1940, mpainiya munango dzina lace Ruby Goff, akhapalizira ku Insein, mzinda ung'ono omwe uli kunja kwa mzinda wa Yangon. Thangwe ra kusaya kugumana wantru wakufuna kutetekera nsiku imweyo, Ruby adapemba kuti: "Yahova, ndithandizeni kugumana 'bira' m'bodzi yekha pomwe ndikanati kuyenda kumui." Atacita bzimwebzo, pa nyumba yomwe adadzayendayo, iye adagumana Hmwe Kyaing, omwe akhali wa mtundu wa Cikayin wakunamata mu Igreja Batista, ndipo adatetekera bwino-bwino nkhani ya Umambo. Mu nthawe yakucepa, Hmwe Kyaing pabodzi na wana wace wacikazi, Chu May (Daisy) na Hnin May (Lily), wakhapfunza Bibliya, wacimbayenda bwino patsogolo mwauzimu. Napo Hmwe Kyaing adadzasika patsogolo pace, mwana wace mkulu Lily adadzakhala wakuyamba kubatizidwa ninga Mboni ya Yahova mu mtundu wa Cikayin. Daisy adadzabatizidwambo.

Lily na Daisy wadakhala apainiya wa nyongo, ndipo wakadakumbukiridwa mpanaka pano. Lero, azukulu wawo wazinji na anyakupfunza wawo wa Bibliya, wankutumikira Yahova ku Mianmariko na ku madziko manango.

---

## **Mianmar**

**Kwadru ya m'matsamba 108-109**

---

### **Yahova Adafungula Njira**

.....  
**MAURICE RAJ**

**GOLE LAKUBADWA 1933**

**GOLE LAKUBATIZIDWA 1949**

**MBIRI YACE** Adamala magole yakuposa 50 ankucita utumiki bwa nthawe zense ku Mianmar, ndipo mbali ikulu adatumikira ninga nyakunyan'ganira mthambi. Iye akadatumikira mu Komiti ya Mthambi.\*

---

\* Nkhani ya moyo wa m'bale Raj idacoka mu *Nsarja ya Olonda* ya 1 Dezembro 2010.

◆ MU 1988, mu mzinda ya Yangon mudayamba ciphiringu ca ciwembo, comwe wantru bzulu bzizinji wadadzala m'miseu pakufuna kuti boma licinjidwe. Bzintru bztatika pakunesa, wacikunda wadalanga bomalo, waciikha bzakutonga bza ucikunda

m'mbuto zizinji za m'dzikolo. Wadaphedwa wantru bzulu bzizinji womwe wakhacita phiringulo.

Mwezi ubodzi-bodziyo, tidafunga kutumiza relatorio ya pa gole ya mthambi yathu ku likulu ku Nova York; tsono zikhadagwatidwa njira zense zakutumizira matsamba, ndipo tikhalibe njira inango yakutumiza relatorioyo kunja kwa dziko lathulo. Patsogolo pace, tida-bva kuti Mtumi wa ku Estados Unidos akhafuna kutumiza matsamba ku dziko lawo na cinkhupukupu. Nditakumbuka kuti relatorio yathuyo ingatumizidwe pabodzi na matsamba yawoyo, ndidabvala fato yomwe ndikhaithemba kwene-kwene na grava, ndiciyenda kagumana na mtumiyo.

Pomwe ndikhafambisa kanderendere mu mzinda womwe ukhali wa matope yokha-yokha, ndidawona kuti mu mseumo mukhalibiretu munthu na m'bodziyo. Mu nthawe yakucepa, ndadzawona kuti mseu womwe ndikafuna kuitayeo ukhadafungidwa na cimuti, ndidandoimisa kandere-ndereyo ku mbali kwa mseu, ndicifamba na minyendo mtantho ukhadasalayo.

Nditafika pafupi na pa cipata ca mtumiyo, ndidawona wantru madzana mazinji wankumbakuwa pakufuna kupita, tsono wacikunda wa ukali wakhafunga cipataco. Ndidaima, ndicipemba mwakazizizi. Nyakupfunza munango atawona kabvalidwe kangu, adakuwa kuti: "Munthuyu angakhale nyabasa wa m'mwemu." Pamwepo, ine ndidapapatidza pakati pa thimulo. Pomwe ndidafika pa cipata cakufungidwa ca nyumba ya mtumiyo, mcikunda wamphanvu adandinyang'anisa mwa kuzimbwa.

Iye adandibvunza mwa ukali kuti: "Ndiwe mbanu, ndipo un'funa ciani?"

Ine ndidati: "Ndin'funa kuwonana na mtumi. Ndina nkhanu yakufunika kwene-kwene kuti nditumize ku America."

Iye adandinyang'anisa mwa ka nthawe. Mwadzidzidzi, adafungula cipataco, acindipfuwira mkatu. Ndipo mwakanfulumize adafunga cipataco pomwe thimu lire likhafuna kuyamba kupita.

Iye adandiua kuti: "Nditewere."

Titafika pa msuwo pa mtumiyo, mcikunda ule adandisiya m'manja mwa munthu munango omwe akhawoneka wakuneta, ndipo adandibvunza bzomwe ndikhafuna.

Ndidamufokotozera kuti: "Ndacokera ku xikiritorio ya Sociedade Torre de Vigia. Ndina relatorio yakufunika kwene-kwene yomwe bzin'funika ifike mwezi umweuno ku likulu lathu ku Nova York." Kodi munganditumizirembo pabodzi na matsamba yanuyo?" Nditam'pasa munthuyu envelopi yangu yakufunika ire, ndidamuza kuti: "Pepani, ndiribe kuikha selo."

Mwakudabwa, munthuyu adandicita mibvunzo pang'ono, acinditsimikizira kuti angadatumiza relatoriyyo. Patsogolo pace ndidadziwa kuti relatorioyoyo idafika ku likuluko mkatu mwa nthawe.

**Nditam'pasa munthuyu tsamba envelopi yangu yakufunika ire, ndidamuza kuti: "Pepani, ndiribe kuikha selo."**

## MDZINGA WAKUYAMBIRA PA 2 DEZEMBRO

Nyimbo 123 na Mpembo

### ❑ Pfunziro la Bibliya la Gwere:

j/ Mapfunziro 14-16 (mph. 30)

### ❑ Xikola ya Utumiki bwa Mulungu:

**Kulewengedwa kwa Bibliya:** 1 Pedru 1–2 Pedru 3 (mph. 10)

**N.º 1:** 1 Pedru 2:18–3:7 (mph. 4 ayai zakucepa)

**N.º 2:** Kodi Kuyenda Patsogolo kwa Gulu la Yahova Kunkulatiza Ciani?  
—bh-CN msolo 9 ndime 12-14 (mph. 5)

**N.º 3:** Thangwe Ranyi Timbatsimikizira Kuti Jezu Ni Mesiya?—Luka 24:44; Wagalata 4:4 (mph. 5)

### ❑ Mtsonkhano wa Basa:

Nyimbo 116

**Mph. 5:** Kuyambisa Mapfunziro ya Bibliya pa Nsiku ya Malinkhuma Yakuyamba. Nkhani. Limbisani wense kuti wacite mballi pakuyambisa mapfunziro ya Bibliya pa Nsiku ya Malinkhuma yakuyamba mu Dezembro. Mwa cigungatho latizani momwe tingacitire mwakuphatisa basa nkhanzi ya kumbuyo kwa Nsanja ya Olonda.

**Mph. 15:** Kodi Mwayezera Kale? Nkhani yakucezerana. Mwakufokotza ninga nkhanzi, bwerezan i nkhanzi zatsapano za mu Utumiki Bwathu bwa Umambo zakut: "Webusaita Yathu Yovomerezeka Yakonzedwa Kuti Izithandiza Ifeyo Komanso Anthu Ena" (km-CN 12/12), "Muzigwirtsira Ntchito Mavidio Pophunzitsa," na "Kodi Ndani Amene Angakonde Magazini Awa?" (km-CN 5/13). Kumbirani abveseri kuti alewe momwe wagumanira phindu thangwe ra kuphatisa basa bzomwe bziri mu nkhanzi.

**Mph. 10:** Yahova Ambatetekera Mipe-mbo ya Atumiki Wace. (1 Juwau 3:22) Nkhani yakucezerana yakucokera mu Buku Lapachaka 2013, tsamba 91, ndime 3 mpanka tsamba 92, ndime 1, na matsamba 108 na 109. Kumbirani abveseri kuti alewe bzomwe wankupfunza. Nkhanzi zasadulizirdwa m'Cinyungwe ndipo zinkugumanika m'matsamba 8-9 ya mu Utumiki bwa Umambo bunzo.

Nyimbo 12 na Mpembo

## Bziratizo bza Upalizi

### Kuyambisa Mapfunziro ya Bibliya pa Nsiku ya Malinkhuma Yakuyamba mu Dezembro

"Wanthu wazinji wankudikirira kubwerera kwa Jezu. Penu Jezu angadabwera pomwe, n'cinthu ciponi comwe mungadafuna kuti iye acite?" Dikirani atawire. Latizani kumbuyo kwa Nsanja ya Olonda ya 1 Dezembro, mucifokotozerana naye nkhanzi pansi pa mbvunzo wakutoma, mucilewenga naye vesi libodzi la m'Bibliya. Mupaseni marivistayo, mucipangana kudzamuzungira pomwe kuti mudzacezerane mbvunzo munangoyo.

### NSANJA YA OLONDA 1 Dezembro

YOLENGEZA UFUMU WA YEHOWA

"Lero moyo ngwakupanikiza kwene-kwene mwakuti bzimbatisena kukumbukira Mulungu. Kodi mun'kumbuka kuti mpsakufunika kwene-kwene kukumbukira Mulungu pa moyo wathu? [Dikirani atawire.] Pa Nkhani yace ya pa Phiri yakusaya kuyebweka, Jezu adalewa kuti tin'funikira bzinthu bza uzimu kuti tikhaledi wakukondwa caibzo. [Lewengani Mateu 5:3.] Revistayi imbafo-kotoza mathangwe matatu kuti ifepano tifunikire Mulungu."

### Galamukani! Dezembro

"Wanthu wazinji wambandokhulupira bzinthu bzomwe walewenga ayai wabva kucokera m'bzikasi bzakumwazira nkhanzi. Kodi mun'kumbuka kuti nkhanzi zomwe wambabvazo n'zacadidi na zakukhulupirika? [Dikirani atawire.] Bibliya limatiuza kuti timbasamale pa nkhanzi ya kukhulupira bzomwe tinkubva. [Lewengani Djobi 12:11.] Revistayi in'tipasa nzeru zakutithandiza kumbapima bzomwe timbalewenga na kubva."

## Bzidziwiso

■ Mabukhu yakugawira mu **Novembro na Dezembro:** Bzipsa bza Umambo No. 38. Penu gwere lanu lin'maliza kugawira gawo lense na matratado Bzipsa bza Umambo No. 38 pomwe kampanya ikanati kumala, mungaphatise basa buku Kodi Baibulo Limaphunzisa Chiyani Kweni-kweni? ayai matratado yomwe gwerelo linayo. **Janeiro na Fevereiro 2014:** Bzipsa Bzabwino Bzakucokera kwa Mulungu! ayai libodzi pa mabroxura ya matsamba 32: Tetekeperi Mulungu, Tetekeperi Mulungu ndipo Khalani na Moyo Wakusaya Kumala, Mungathe Kukhala Bwenzi la Mulungu, Njira ya ku Moyo Wakusaya Kumala-Mwaigumana Kale?, A Vida—Teve um Criador? (kwa wale womwe wambakhulupira lini Mulungu), Verdadeira Fé—O Segredo de Uma Vida Feliz (kwa Amwenye)



km13-11-NYU MZ  
130802



